

**Uunga siunnersuut:**

**ILO-isumaqatigiissutitut: C155 (Suliffimmi isumannaallisaaneq peqqissuserlu pillugit isumaqatigiissut, 1981), C187 (Sullivinnik avatangiisinik isumannaassusermillu siuarsaaneq pillugu isumaqatigiissut, 2006), C094 (Sulinermut piunasaqaatit pillugit isumaqatigiissut (pisortaqarfinni isumaqatigiissut), 1949) aamma P029 (Pinngitsaaliilluni sulisitsineq pillugu isumaqatigiissummut protokoli 2024-imeersoq, 1930) Namminersorlutik Oqartussat ilaatinneqarnissaat pillugu Inatsisartut aalajangiiffigisassaattut siunnersuut**

*Isumaginninnermut, Suliffeqarnermut, Nunamut Namminermut Avatangiisinullu Naalakkersuisumit saqqummiunneqartoq*

**Pillugu****Niuernermut Aatsitassanullu Ataatsimiititaliap****siunnersuutip aappassaaneerneqarneranut****ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Mariane P. Jensen, Inuit Ataqatigiit, siulittaasoq  
Inatsisartunut ilaasortaq Juno Berthelsen, Naleraq, siulittaasup tullia  
Inatsisartunut ilaasortaq Hans-Erik Enoksen, Demokratit  
Inatsisartunut ilaasortaq Lars Poulsen, Siumut  
Inatsisartunut ilaasortaq Knud Kleemann, Atassut

UKA 2025-mi ulloq 1. oktober siullermeerinninnerup kingorna ataatsimiititaliap siunnersuut misissuataarpaa.

**Siunnersuutip imarisaa siunertaalu**

ILO-mi (International Labour Organization) Nunat Tamalaat akornanni isumaqatigiissutitut arlalinnut Inatsisartut pisortatigoortumik ilaalernissaat anguniarlugu siunnersuut suliarineqarpoq. Kalaallit Nunaata isumaqatigiissutit pineqartut protokolimullu ilaatinneqarnissaannut Qallunaat Nunaanni Sulisoqarnermut Ministeriap innersuussutaa malillugu Naalakkersuisut siunnersuuteqarput.

Isumaqatigiissutit protokolilu ukunannga imaqarput:

C155 Suliffimmi isumannaallisaaneq peqqissuserlu pillugit isumaqatigiissut

Isumaqatigiissut sulisartut peqqissusaannik isumannaatsuunissaannillu qulakkeerinninnissaq kiisalu sulinermi ajoqusernerit peqqissutsimullu ajoqusernerit pitsaaliornissaannik siunertaqarpoq. Qallunaat Nunaata C155 1995-imi atuutilersippaa, Kalaallit Nunaat ilaatinngagu.

C187 Sullivinnik avatangiisinik isumannaassusermillu siuarsaaneq pillugu isumaqatigiissut

Isumaqatigiissut tassaavoq sulisartut peqqissuunissaannik isumannaatsuunissaannillu illersuinissamut anguniakkanut, isumaqatigiissummi C155-imi allanneqartunut ingerlatitseqqinneq. Qallunaat Nunaata C187 2009-mi atuutilersippaa Kalaallit Nunaat ilaatinngagu. Isumaqatigiissummi periusissiat ineriartortinnissaat piffimmilu pingaarnersiuinissaq anguniagaallutik.

C094 Sulinermit piumasaqaatit pillugit isumaqatigiissut (pisortaqaarfinni isumaqatigiissutit)

Pisortat oqartussaqaarfiini isumaqatigiissutitut tunngatillugu atugassarititaasut, ataatsimoortumik isumaqatigiissutini aalajangersarneqartunut, isumaqatigiissitsiniarnernut imaluunniit nuna tamakkerlugu inatsisiliornermut sanilliullugit ajornerussanngitsut isumaqatigiissut siunertaqarpoq. Qallunaat Nunaata C094 1955-imi atuutilersippaa, Kalaallit Nunaat ilaatinngagu.

P029 Pinngitsaaliilluni sulisitsineq pillugu isumaqatigiissut protokoli 2014-imeersoq

Protokolimi pisussaaffiit pinngitsaaliilluni sulisitsinernut akiuiniarnermi C029-mut ilassutaavoq nunat tamalaat akornanni atortussanut pioreersunut ilassutaalluni. Qallunaat Nunaata C029 1932-mi atuutilersippaa Kalaallit Nunaat ilaatillugu aamma P029 2017-imi, Kalaallit Nunaat ilaatinngagu.

**Siunnersuut Inatsisartuni siullermeerneqarnera**

Siunnersuut tigulluarneqarpoq Inuussutissarsiornermut Aatsitassanullu Ataatsimiititaliamut immikkoortoq 34-mut ilanngullugu innersuunneqarluni.

**Tusarniaanermi akissutit**

Naalakkersuisut aalajangiiffigisassatut siunnersuutaat Kalaallit Nunaanni sapaatip akunnerini sisamani tusaarniaassutigineqartoq aammalu Namminersorlutik Oqartussanut aamma sapaatip akunnerini sisamani. Tusarniaanermi akissutit oqaaseqaatillu Inuussutissarsiornermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik aamma Isumaginninnermut, Suliffeqarnermut Nunamullu Namminermut Naalakkersuisoqarfiup kiisalu Kalaallit Nunaanni Sullivinnik Nakkutilliisoqarfiup tusarniaanermi allakkiami allasimasoq.

Tusarniaanermi akissutigineqartut uani inernerisa eqikkarneqarneri:

*”C155, C187, C94 aamma P029 artikelinik, naalackersuisoqarfiup akisussaaqqeqarfiani inatsisinut ataasiakkaanut ataqatigiissillugit, sukumiisumik misissuinerup kingunerisaanik, tassunga Kalaallit Nunaata ilaatinneqarneranut, maannakkuugallartoq Kalaallit Nunaanni naalackersuisoqarfiup akisussaaqqeqarfiani inatsisinik atuuttunik allannguinerimik pisariaqartitsineq tunngavissaqanngilaq.”*

### **Siunnersuutip aningaasatigut kingunerisassai**

Inatsisartut Suleriaasianni § 33, imm. 1-imi allassimavoq siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassallutik, aalajangiiffigisassatut ilusilersorneqarsimassalluni taaguuserneqarsimallunilu.

Atortuulersitsinissaq pillugu akuttunngitsumik nalunaaruteqartussaataitanermik aamma Isumaginninnermut, Suliffeqarnermut Nunamullu Namminermut Naalackersuisoqarfimmut allassimasussaataitanerup eqqortinneqarnissaanik isumaqatigiissutitut aamma protokolinit ilaalnissaanik kinguneqassasoq ataatsimiititaliamit maluginiarneqarpoq. Nalunaarutit taakku Qallunaat Nunaannut nassiunneqartassapput ILO-p nakkutiginninnermi ilanngunneqartarnissaat naatsorsuutigineqarluni suliaasaqarfimmullu akuersissutit pioreersut iluanniissinnaasut naatsorsuutigineqarluni.

### **Ataatsimiititaliap siunnersuummut oqaaseqaatai**

Naalackersuisut oqaaseqaataat qulaani pineqartuni Kalaallit Nunaata ILO-isumaqatigiissutitut ilaalnissaanut Inatsisartut inatsisaannik allannguummik siunnersuuteqarnissamut pisariaqalersitsinngitsoq ataatsimiititaliap maluginiarpaq, kiisalu politikikkut suliniutit isumaqatigiissutiniittut protokolimiittullu pisariaqalersitsissappata, tamanna ILO-p suleriaasia naapertorlugu suleqatigisat sulisut, sulisitsisut aamma naalackersuisut akornanni ingerlanneqarumaarput.

### **Ataatsimiititaliap inassuteqaatai**

- Ataatsimiititaliap isumaqatigiittup siunnersuutigineqartoq akuerineqassasoq inassutigaa
- ILO-mi isumaqatigiissutit akuersissutaasimasut Naalackersuisunit malinneqarnissaat ataatsimiititaliamit isumaqatigiittumit Naalackersuisunut kaammattuutigineqarpoq.

Ataatsimiititaliap taama oqaaseqaateqarluni isumaliutissiisummilu allassimasutut paasinnil-  
luni siunnersuut aappassaaniigassanngortippaa.

---

Mariane P. Jensen  
Siulittaasoq

---

Juno Berthelsen  
Siulittaasup tullia

---

Hans-Erik Enoksen

---

Lars Poulsen

---

Knud Kleemann